



Kindy hauv Queensland

Kindy yog dab tsis?

Tsev kawm me nyuam yaus uas paub hauv lub npe hu ua kindy, yog ib lub khoos kas kev kawm ib nrab hnuv rau cov me nyuam yaus hauv cov xyoo kawm ua ntej Qib Kawm Npaj Hauv Tsev Kawm Theem Pib (thawj xyoo kawm ntawv hauv Queensland). Kindy yog qhov chaw uas koj tus me nyuam yuav kawm los ntawm kev paub txog kev ua si thiab kev nyob ua ke nrog lwm tus uas txhawb nqa lawv txoj kev kawm, kev noj qab haus huv thiab kev loj hlob thaum tseem yau.

Los ntawm kev koom nrog hauv kindy, cov me nyuam yaus tsim kev hlub hauv kev kawm thiab tau txais kev txhawb nqa thaum hloov mus kawm Qib Kawm Theem Pib

Khoos kas kindy tau txais kev tso cai los ntawm Tsoom Fwv Queensland uas ua los ntawm ib tug kws qhia ntawv thaum yau uas tsim nyog. Khoos kas Kindy tuaj yeem nthuav qhia nyob rau hauv cov chaw kawm ntawv thaum yau; xaiv cov tsev kawm ntawv nyob deb nroog thiab thaj chaw deb thiab cov tsev kawm ntawv ntawm lwm lub xeev uas muaj qhov nyuaj rau kev nkag txog kev kawm hauv tsev kawm me nyuam yau thiab los ntawm kev kawm deb los sis eKindy muab rau qee cov me nyuam yaus uas tsis tuaj yeem mus kawm tau hauv lub chaw kawm ntawv

Kawm nyob rau hauv kindy

Kindy muab lub hwv tsam rau cov me nyuam yaus tau:

- siv cov lus los sib txuas muab tswv yim, kev xav thiab kev xav tau
- ua phooj ywg, sib tham thiab koom tes nrog lwm tus
- qhia cov teeb meem thiab txhim kho kev daws teeb meem
- muaj kev ntseeg siab thiab ywj siab hauv lawv lub peev xwm ntau tuaj
- txuas nrog, tshawb nrhiav thiab koom nrog lawv tus kheej txoj kev xav
- tsim txoj kev paub thiab tshawb nrhiav cov tswv yim tshiab, pab txhim kho lawv txoj kev ntseeg siab.

Koj puas tau hnov dua?

Free **KiNDY** from 2024

Free
KiNDY



Queensland
Government

Txoj hauv kev rau npe kawm

Hauv Queensland, cov me nyuam tuaj yeem tuaj koom kindy tau hauv xyoo ua ntej yuav pib Qib Kawm Theem Pib

Txhua qhov kev pab cuam sib txawv thiab qee qhov yuav muaj cov npe tos, yog li ntawd nws kuj yog ib qho kev xav zoo uas yuav muaj kev sib tham nrog koj qhov kev pab cuam uas xaiv lub sij hawm zoo tshaj plaws rau npe kawm rau koj tus me nyuam.

Koj tus me nyuam yuav tsum muaj hnuv nyoo 4 xyoo ua ntej Lub Rau Hli Tim 30 hauv xyoo uas lawv sau npe koom nrog hauv kindy.

Me nyuam yug	Tus me nyuam tuaj yeem tuaj koom kindy
Lub Xya Hli 2019 Tim 1 txog Lub Rau Hli 2020 Tim 30	2024
Lub Xya Hli 2020 Tim 1 txog Lub Rau Hli 2021 Tim 30	2025
Lub Xya Hli 2021 Tim 1 txog Lub Rau Hli 2022 Tim 30	2026
Lub Xya Hli 2022 Tim 1 txog Lub Rau Hli 2023 Tim 30	2027
Lub Xya Hli 2023 Tim 1 txog Lub Rau Hli 2024 Tim 30	2028
Lub Xya Hli 2024 Tim 1 txog Lub Rau Hli 2025 Tim 30	2029

Yam uas koj yuav tsum tau siv rau npe kawm rau koj tus me nyuam:

- koj tus me nyuam lub npe thiab chaw nyob
- koj cov lus qhia ntxaws tam li yog lawv niam lawv txiv, tus neeg zov los sis tus neeg saib xyuas
- cov lus qhia ntxaws ntawm cov lus txiav txim hauv tsev hais plaub los sis cov lus txiav txim rau niam txiv los sis cov phiaj xwm
- cov lus qhia ntxaws ntawm qhov kev txhawb nqa ntxiv uas yuav tsum tau muaj (xws li kev xiam oob qhab, kev tsis haum zaub mov los sis lwm yam kev xav tau)
- ntawv pov thawj hnuv yug (xws li daim ntawv pov thawj hnuv yug)
- qib kev noj qab haus huv thiab kev txhuj tshuaj txhawb zoog
- cov lus qhia ntxaws tus neeg tau txais kev tso cai tuaj tos koj tus me nyuam thiab yuav ceeb toom rau leej twg thaum muaj xwm txhej ceev.

Koj qhov kev pab cuam yuav khaws cov ntaub ntawv no tsis pub lwm tus paub thiab koj tuaj yeem nkag mus rau tag nrho koj tus me nyuam cov ntaub ntawv sau tseg.

Nug koj tus kws muab kev pab cuam kindy hauv zos

Free
KINDY
from 2024

Kev xaiv lub khoos kas kindy

Txhua tus me nyuam yaus hauv Queensland muaj cai koom lub khoos kas tsev kawm me nyuam yaus uas tau txais kev tso cai hauv xyoo ua ntej Npaj Kawm Theem Pib

Lub khoos kas tsev kawm me nyuam yaus uas tau txais kev tso cai ntawd mus raws li tsoom fww cov lus qhia, thiab yog:

- khoos kas kev kawm uas muab los ntawm cov kws qhia ntawv thaum yau uas tsim nyog, raws li tsoom fww cov lus qhia
- feem ntau lawm xa tau 15 teev hauv ib lub lim tiam, 40 lub lim tiam hauv ib xyoo, rau cov me nyuam yaus hauv xyoo ua ntej Npaj Kawm Theem Pib
- ua raws li cov lus qhia hauv kev kawm ntawm tsev kawm me nyuam yaus hauv Queensland los sis lwm cov khoos kas kawm paub thiab Kev Ntsuam Xyuas Txoj Cai-kev lees paub kev kawm hauv Queensland.

Txhawm rau txheeb qhia lub khoos kas uas tau txais kev tso cai los ntawm tsoom fww Queensland, nrhiav 'kindy cov cim qhia kev tso cai' uas yog daim duab hauv qab no.



Kindy pub dawb txij xyoo 2024

Tsoom fww Queensland tab tom muab kindy pub dawb rau txhua tsev neeg hauv Queensland.

Kindy yuav muab kev pab cuam pub dawb rau cov me nyuam yaus hnuv nyoo-tsim nyog uas tuaj koom lub khoos kas los ntawm tsoom fww tau tso cai uas tshaj tawm muab pub dawb txij Hnuv Tim 1 Lub Ib Hlis 2024.

Qhov no yog 15 teev hauv ib lub lim tiam, 40 lub lim tiam hauv ib xyoo, rau kindy qhia pub dawb los ntawm tus kws qhia ntawv thaum yau uas tsim nyog.

Cov tsev neeg tuaj yeem xaiv Kindy hauv ib lub qib tsev kawm me nyuam yaus los sis tsev kawm me nyuam yaus hauv kev saib xyuas ncuva sij hawm ntev.

Tshawb nrhiav kindy pub dawb uas nyob ze koj lub tsev, mus saib:
www.qld.gov.au/FreeKindy